



ՔԱՂԱՔԱԿԱՆ

ԱՆԳՐԱԳԻՏՈՒԹՅՈՒՆ

7 ՏԱՐԻ ՂԵՏՈ ԶԱՐԹՆԵԼ՝ ՄԱՐՄԱՆԱԳՐՈՒԹՅՈՒՆ Է ՓՈԽՈՒՄ

«Ժողովուրդ» օրաթերթը գրուցել է ԱԻՄ առաջնորդ Պարույր Հայրիկյանի հետ: Խոսել ենք վարչապետի՝ նոր Սահմանադրություն փոխելու հայտարարության մասին:

-ՀՀ վարչապետ Նիկոլ Փաշինյանը հայտարարեց, որ Հայաստանում պետք է անցկացվի հանրաքվե, քանի որ մեզ անհրաժեշտ է նոր Սահմանադրություն: Նրա կարծիքով՝ գործող Սահմանադրությունը լեգիտիմության հետ լուրջ խնդիրներ ունի: Ըստ Ձեզ՝ ինչի՞ մասին է խոսքը, եւ Դուք գործող Սահմանադրությունը ոչ լեգիտիմ համարո՞ւմ եք, ինչո՞ւ է Նիկոլ Փաշինյանն անընդհատ ձգտում փոխել գործող Սահմանադրությունը:

-Նախ բավական հստակ ասենք, եթե սա լեգիտիմ Սահմանադրություն չէ՞ կարող է նաեւ ճիշտ լինել եւ ճիշտ է, այդ դեպքում ինչո՞ւ այսքան տարի սպասեց, ինչու չկատարեց իր հեգեւոր ուսուցիչ Լեւոն Տեր-Պետրոսյանի խնդրանքը, հորդորը: 2018 թվականին Լեւոն Տեր-Պետրոսյանն անմիջապես խնդրեց փոխել գործող Սահմանադրությունը: Ըստ էության, ինքը պարտավոր էր դա անել, քանի որ ինքը հեղափոխությունը հայտարարեց, եւ հեղափոխության ժամանակ հայտարարեց ինչ պարբերը փոխվում են:

Սակայն հեղափոխության գլխավոր իմաստն էր մերժել այս Սահմանադրությունը: «Մերժել Մերժին», այսինքն՝ Մերժ Սարգսյանի իշխանությունը շարունակելու հնարավորությունը դա տառաջիորեն նշանակում էր մերժել այդ Սահմանադրությունը: Ս. Սարգսյանը շարունակում էր պահպանել իշխանությունը հենց այդ Սահմանադրությամբ: Հիմա յոթ տարի հետո զարթնեց, այդ աստիճանի անգրագետ կարող է լինել մարդը: Այս տեսակ բաները քաղաքական գործիչն ասում է միանգամից, ոչ թե հանկարծակի հայտարարել, որ Սահմանադրությունը ոչ լեգիտիմ է եւ պետք է քայլեր ձեռնարկել: Մի կարելու բան ասեմ, որ իրավական է եւ պարզապես անմակարդակության ցուցանիշ է: Դու խոսում ես նոր Սահմանադրություն ստեղծելու մասին՝ միաժամանակ ընդգծելով, որ կառավարման համակարգում փոփոխություններ չեն կատարվել: Ընդանրապես նոր Սահմանադրությունն ընդունվում է այն բանի համար, որ փոխվում է կառավարման համակարգը: Ինչ վերաբերում է առաջին փուլում սկսած բարեփոխումներին, ապա դրանցում ինքը տապալվել է:



գը: Ինչ վերաբերում է առաջին փուլում սկսած բարեփոխումներին, ապա դրանցում ինքը տապալվել է:

-Պարոն Հայրիկյան, Դուք բազմիցս նշել եք, որ հանձնաժողովն իր աշխատանքը տապալել է եւ ասել, որ սահմանադրական բարեփոխումների մասնագիտական հանձնաժողովը 1 միլիոն դոլար է հատկացրել իր աշխատանքների համար, ոսկայն որ թափանցիկ է գործել: Ըստ էության հանրությանը հաշվետվություն չի ներկայացվել, թե ինչ նպատակով է այս գումարը օգտագործվել: Նաեւ հաշվի առնենք, որ ստացվում է, որ տարիներ շարունակ այս հանձնաժողովը գործել է, բայց հիմա ամբողջովին նոր Սահմանադրություն գրելու ուղղությամբ են աշխատանքները տարվում: Այսինքն ապարդյուն աշխատանք են կատարել եւ վատնում է եղել: Որտեղի՞ց Ձեզ այս թվերի եւ տվյալների տեղեկությունը: Խնդրում եմ մի փոքր մանրամասնել:

-Ես ինձ իրավունք եմ վերապահում, իրենք էլ պարտավոր են տեղեկություն

տալ երբ դիմում ես, ես տարբեր առիթներով գրուցել եմ սահմանադրական բարեփոխումների մասնագիտական հանձնաժողովի պատասխանատուների հետ: Կան հանձնաժողովի անդամներ, որոնք ստանում են ամսական մաքուր 700 հազար դրամ աշխատավարձ, եւ այստեղ կարելու է՝ եթե դու ստեղծել ես հանձնաժողով, այս հանձնաժողովը ստեղծվել է նորմատիվ իրավական ակտով: Վերջին հանձնաժողովի մասին նորմատիվ ակտն ընդունվել է 2022թ.: Դրանով նախատեսվել է, որ 2023թ. պետք է լինի պատրաստի նախագիծ: Նիկոլ Փաշինյանն ու իր մերձավորներն այնպիսի մոլորություն ունեն, որ այդ հանձնաժողովն աշխատում է անձամբ Նիկոլ Փաշինյանի համար: Ես նրա համար հարկեր չեմ տալիս, որ Նիկոլ Փաշինյանը իր հաճույքների համար ինչ-որ կարծիքներ ստանա: Այդ հանձնաժողովը մերձ քաղաքացիներիս տված հարկերի հաշվին է աշխատում եւ հաշվետու է մեզ՝ բոլորիս:

Հրուցեց ՔՐԻՍՏԻՆԱ ՍՈՒՇԵՂՅԱՆԸ

ԱՆՐԵՏ ԿՈՐԱԾ

ԶԻՆԾԱՌԱՅՈՂՆԵՐԻ ԾՆՈՂՆԵՐԻՆ ԿՐԿԻՆ ՍՏԵԼ ԵՆ

Անդրանիկ Քոչարյանը հերթական անգամ ստել է ու սին հույսեր է տվել անհետ կորած զինվորների ծնողներին:

Այսօր, դեռ 2025 թվականի հունվարի 30-ին անհետ կորած զինվորների ծնողներն ԱԺ-ում հանդիպել էին բարձրաստիճան պաշտոնյաների հետ, հանդիպումը նախաձեռնել էր ԱԺ պաշտպանության եւ անվտանգության հարցերի մշտական հանձնաժողովը:

Ընդ որում, անհետ կորածների ծնողների մի մասին դախիճ չէին էլ թողել, նստեցրել էին օթյակում:

Այդ ոչինչ չտվող հանդիպումից ծնողները դուրս եկան դժգոհ՝ հայտարարելով, որ որեւէ նոր բան իրենց չի ասվել, Անդրանիկ Քոչարյանը խոստացել է 1 ամիս ժամկետում կրկին հանդիպում կազմակերպել ԱԺ-ում:

1 ամիս ժամկետը արդեն լրացել է, իսկ խոստումը մնացել է օդում:

«Ժողովուրդ» օրաթերթի հետ զրույցում անհետ կորած զինվորի ծնող տիկին Անահիտը փոխանցեց, որ իրենց հետ կապ չեն հաստատել, ոչ մի նորություն չկա: «Շատ փութի եւ անպատասխանատու են իշխանությունները, իրենք չպետք է տուն գնային, չպետք է քնեին, մինչեւ վերջ այս հարցը պետք է լուծեին: Չգիտես ինչո՞ւ մեկը երկրում չէ, մյուսը առողջական խնդիր ունի... պատրվակ են ման գալիս», - սասց անհետ կորածի մայրը:

«ԶԱՆԳԵԶՈՒՐԻ ՄԻՋԱՆՅՔ»-Ն ԵՆ ՊԱՐԱՆՁՈՒՄ

Տարբեր շերտերի թուրք պաշտոնյաները շարունակում են պահանջել բացել «Զանգեզուրի միջանցքը»: Այս միտքը հերթական անգամ հնչեցրել է Ադրբեջանում Թուրքիայի դեսպանատան ամբիտորային հարցերով գլխավոր խորհրդական Յակուբ Սեֆերը: «Այժմ ամենակարեւոր հարցը Զանգեզուրի միջանցքի բացումն է», - ասել է նա, հարցրելով է ԱՊՄ-ն: Նա նշել է, որ միջանցքի բացումը մեծ ազդեցություն կունենա տարանցիկ երթուղիության եւ ամբողջական հարաբերությունների ընդլայնման վրա: «Այս առումով Ալաթի տնտեսական գոտին շատ կարելու է, եւ տարածաշրջանը կդառնա լուրջ տիկ հանգույց: Սակայն, միջանցքի երկայնքով նախաձեռնումները ենթակառուցվածքները պետք է ուժեղացվեն Ղազախստանում եւ Թուրքմենստանում: Հաջորդ հարցն Ալաթի նավահանգստում Ro-Ro նավատորմի թարմացումն է: Այս նավերը, որոնք ներկայումս շահագործվում են, շատ հին են», - ավելացրել է Յակուբ Սեֆերը: Ավելի վաղ, նույն միտքը հնչեցրել էր Թուրքիայի փոխնախագահ Ջեւդեթ Յըլմազը:

Հատկանշական է, որ բոլոր դեպքերում Թուրքիան ամբողջությամբ անտեսում է Հայաստանի «միջանցքի» տարածքային պատկանելությունը: Ոչ մի դեպքում Հայաստանի մասին ընդհանրապես հիշատակում չկա:

20 ՄԼՆ ԴՐԱՄԻ ՀԵՏՔԵՐՈՎ

ՎԱՐՈՂԵՆԻՍՈՒՄ ԵՎ ՎԻՎԱՆՊԵՆՈՅ ԵՆ ԿԱՌՈՒՑՈՒՄ, ԵՎ ՎԻՆՆ ԵՆ ՆՈՐՈՔՈՒՄ

Ուղիղ մեկ տարի առաջ ՀՀ ԱԺ դասգամավոր Թագուհի Թովմայանը ՀՀ առողջապահության նախարար Անահիտ Ավանեսյանից հեռախոսեց, թե երբ է կառուցվելու Վարդենիսի նոր հիվանդանոցը: Նախարարը անցած տարի փետրվարի 28-ին, հայտարարեց, որ նախագծման աշխատանքներն ավարտական փուլում են, օւսով մրցույթ կհայտարարվի: Նոր մրցույթի մասին տեղեկություններ բաց աղբյուրներում «Ժողովուրդ» օրաթերթը չգտավ:



կացում» միջոցառման իրականացման նպատակով հատկացվել է 20 միլիոն ՀՀ դրամ գումար:

Դրամաշնորհային ծրագրի շրջանակներում, ըստ մարզպետի, իրականացվում են «Վարդենիսի» ԲԿ հիվանդանոցային մասնաշենքի մասնակի ներքին հարդարման եւ ընթացիկ վերանորոգման աշխատանքներ՝ մինչեւ կմեկնարկի նոր բժշկական կենտրոնի կառուցումը:

Փաստորեն, նոր հիվանդանոցի կառուցումը, որը նախատեսված է Կառավարության կապիտալ ծախսերով, «ուշանում» է եւ դեռ պարզ չէ՝ երբ կսկսի կառուցվել: Իսկ նախարարը ասում էր՝ «շուտով»: Բայց միաժամանակ էլ մոտ 50 հազար դոլար է ծախսվում կոսմետիկ նորոգման համար:

Ի դեպ, նախարարը խոստացել էր նաեւ, որ պետք է այդ հաստատության մեջ դիտարկվեն էլ կառուցվող, սակայն սայլը տեղից դեռ չի շարժվում: Առայժմ միայն ինչ հիվանդանոցն են «կարկատում»:

ԻՐԱՎԻՃԱԿ

ԱՐՅԵՍՏԱԿԱՆ «ԽՈՉԸՆԴՈՏ» ԸՆԴԴԻՍԱԴԻՐ ԽՈՍՔԻ ՂԵՄ

ՔՊ ՆԻՍՏԸ ԿԱՅԱՑԱՎ ԿՈՅՈՒՂԱՋՐԵՐԻՑ ՂՈՍԱՆՔԱՋՐԵԿՎԱԾ ԴԱՆԼԻՃՈՒՄ



Երեկ՝ առավոտյան, Ազգային ժողովում քննարկում էր նախատեսված «ՀՀ կառավարության գործունեության լեգիսլատիվությունը» քննարկող, որը կազմակերպվել էր ԱԺ Մարդու իրավունքների դաշնային կոմիտեի հանձնաժողովի նախագահի ղեկավարությամբ...

Փաշինյանի ու նրա կառավարության լեգիսլատիվության մասին: Սակայն, չնայած ստեղծված արհեստական խոչընդոտին, ԱԺ Բաղրամյան մուտքի քաղաքացիների ընդունելության սրահում քննարկումը, այնուամենայնիվ, կազմակերպվեց...

15:00-ին, ՔՊ խմբակցության Նիստը Նույն հոսանքագրված դահլիճում կայացել է: Այսինքն՝ 334 դահլիճը հոսանքագրված էր, կոյուղաջրերով լի էր ու այնտեղ «անհնար» էր որևէ հանդիպում կազմակերպել, քանի որ ընդդիմադիր խոսք պետք է հնչեր: Իշխանությանը կոյուղաջրերը չխանգարեցին հավաքվել ու Նույն դահլիճում Նիստ անել: Ահա այն ամենը, ինչ պետք է իմանալ Ալեն Սիմոնյանի պատկերացրած ժողովրդավարության մասին:

ԳԼՈՒԽՈՎԸ Ի ՂԱՇՏՂԱՆՈՒԹՅՈՒՆ ՎԱՐԳԱՆՅԱՆԻ

Ինչ կարող ենք մենք տալ Ռուբեն Վարդանյանին, բացի պաշտպանությունից: Այս մասին ArmLur.am-ի հետ զրույցում ասաց հաղորդավար Եգոր Գլումովը:

«Ինձ թվում է մենք այդ պաշտպանությունն էլ չենք կարողանում տալ, որովհետև ամեն ինչ դեռ շարունակվում է ու ցավոք սրտի շարունակվելու է: Ցավալի է, որ այստեղ այսքան քիչ մարդ կա, որովհետև միայն այն մարդիկ, որոնց Ռուբեն Վարդանյանը լավագույնս է արել, գային այստեղ, տեղ ու դադար չէր լինի: Բայց տեսնում եմ, որ մենք սրտացավ ազգ չենք»,- ասաց նա:

Հիշեցնենք, որ, երեկ, ՀՀ արտաքին գործերի նախարարության շենքի, ապա՝ կառավարության մոտ բողոքի ակցիաներ էին՝ բարձրաձայնելու Բաքվի բանտերում պահվող Արցախի ռազմաքաղաքական ղեկավարության, մյուս գերիների հարցը, մասնավորապես Արցախի պետնախարար Ռուբեն Վարդանյանի, ով հացադուլ է հայտարարել, ու հրապարակված լուսանկարներից երեւում է, որ խոշտանակվել է:

ՋԱՆՔ ՉԵՆ ԳՈՐԾԱԳՐՈՒՄ

Իրենք Բաքվի բանտում են պայքարում, մենք՝ այստեղ: Այս ասել է Ստեփանակերտի քաղաքապետ Դավիթ Սարգսյանը:

«Իրենք այստեղ են պայքարում, մենք՝ այստեղ: Մենք էլ պայքարում ենք, որ իրենք վերադառնան: Իշխանության կողմից բավարար ջանքեր չեն գործադրվում Բաքվից գերիներին վերադարձնելու համար»,-ասել է Սարգսյանը:

ՂԵԿԱՎԱՐԸ ԸՆՆՉԱԿԱՆ ԿՈՄԻՏԵ Է ԱՅՑԵԼԵԼ

Երեկ Քննչական կոմիտե է այցելել Մերձավանի համայնքի ղեկավար Սիեր Ախտոյանը: Այս մասին ArmLur.am-ին հայտել են ակասատեսները: Նրանք նկատել են՝ ինչպես է Ախտոյանը մտել Կոմիտե: Ավելի վաղ ArmLur.am-ը գրել էր, որ փետրվարի 5-ին Փարաքար խոշորացված համայնքի Մերձավան բնակավայրում հնչել էին կրակոցներ, դրանք եղել են հենց Մերձավանի համայնքապետարանի մոտ: Վիճաբանությունը սկսվել էր կենցաղային հարցերի շուրջ ծագած անհամաձայնությունից: Գյուղում մեքենան արագ վարելու պատճառով կռվի մասնակիցները սկսել են հայիոյել, քարերով եւ բռնկոցներով հարվածել իրար: Վիճաբանությունը այնքան է թեժացել, որ մասնակիցներից մեկը սկսել է կրակոցներ արձակել: Արդյունքում զոհվել է Մերձավան համայնքի ղեկավար Սիեր Ախտոյանի հորաքրոջ տղան:

Նշենք, որ Քննչական կոմիտեն չի արձագանքում ArmLur.am-ի զանգերին:

Արդեն կեսօրին պատգամավորը տեղեկացրեց, որ քննարկումից առաջ, երբ խորհրդարանում տեսել էին, որ նախատեսված ժամին (11:00) բոլորը հավաքվել են Նիստին մասնակցելու, 11:26 պատգամավոր թովմասյանը նոր գրություն է ստացել, թե ԱԺ դահլիճներից մեկը ազատ է, եւ հանդիպումը կարող է այնտեղ կայանալ: ՔՊ-ականները նախապես ամրագրել էին դահլիճներ, ապա ընդդիմադիր պատգամավորի քննարկումից թույլտվություն առաջ չեղարկել են դահլիճների զբաղվածությունը: «Սա նշանակում է, որ ուղիղ քաղաքական հրահանգ էր տրված, որպեսզի տապալենք քննարկումը եւ չխոսվեր Նիկոլ

ՕՐՎԱ ԽՃԱՆԿԱՐ ԴԱՏԱՔՆՆՈՒԹՅՈՒՆԸ ՄԱՐՏԻՆ

Էդգար Ղազարյանի գործով դատաքննությունը կմեկնարկի հավանաբար մարտի երկրորդ կեսին: Այս մասին հայտարարություն է տարածել Հինգ իրավապաշտպանների նախաձեռնությունը: «Էդգար Ղազարյանի վերաբերյալ «ՍԴ դատավորների» գործով հայտարարվեց նախաքննության ավարտ: Դատաքննությունը կմեկնարկի հավանաբար մարտի երկրորդ կեսին»,-ասված է հայտարարության մեջ: Հիշեցնենք, որ Էդգար Ղազարյանին մեղադրանք է առաջադրվել ԶՕ 490-րդ հոդվածի երկրորդ մասով՝ դատավորներին արատավորելու իրենց գործունեության համար. դատարանը սահմանափակել էր հասարակական քաղաքական գործիչ Էդգար Ղազարյանի խոսքը՝ կիրառելով վարչական վերահսկողություն:

ԳԵՄՊԱՆԸ ՄԱՐԶ Է ՄԵԿՆԵԼ

«Այցելում եմ Վայոց ձորի մարզ: Վայոց ձորի մարզը գտնվում է Ադրբեջանի կողմից մասնակիորեն օկուպացված հայկական տարածքի հենակետային հատվածում: Այն ռազմավարական նշանակություն ունեցող մարզ է: Այստեղ է գտնվում ԵՄ դիտորդական առաքելության (EUMA)

կենտրոնակայանը»,- այս մասին X-ի իր էջում գրել է Ֆրանսիայի դեսպան Օլիվիե Դըլկոտիսին:

ԿԵՆՏՐՈՆԱՑԱԾ Է ԵՐԵՎԱՆՈՒՄ

Հայաստանում բնակչության թվաքանակը 2024թ. հատել է 3 մլն-ի շեմը: 2024 թվականին ՀՀ մշտական բնակչությունը կազմում է 3 միլիոն 75. 800 մարդ, այս մասին տեղեկացնում է Հայաստանի վիճակագրական կոմիտեն: 2023-ին ՀՀ բնակչության թիվը կազմել է 2 մլն 991.200, 2022-ին՝ 2 մլն 937.500, 2021-ին՝ 2 961.400 եւ 2020-ին՝ 2 մլն 963.300: Ըստ ներկայացված տվյալների՝ բնակչության զգալի մասը կենտրոնացած է մայրաքաղաք Երեւանում: Այստեղ է ապրում 1 մլն 141.300-ը:

ԱԼԻԵՎԻ ՆՊԱՏԱԿԸ

Արցախի քաղաքական էլիտան պատանդառված է, որովհետև Ալիեյի նպատակը մեկն է՝ ցուցմունքներ կորզելու հասնել նրան, որ միջազգային ատյաններում Հայաստանը ճանաչվի ռազմական հանցագործ: Այս մասին ասել է Ազգային ժողովի նախկին պատգամավոր Նաիրա Զոհրաբյանը: «Մտահոգու-

թյուն հայտնելը բավարար չէ, գործուն քայլեր են պետք: Դրանցից մեկը՝ դադարեցնել Ադրբեջանի հետ բանակցությունները, մինչ այն պահը, երբ ազատ կարձակվեն բոլոր ռազմագերիները»,- ասել է նա:

ՀՆԱՐԱՎՈՐ Է ԿՐՃԱՏՎԻ

Եվրամիության նկատմամբ ԱՄՆ-ի մաքսատուրքերի սահմանումը կարող է հանգեցնել համաշխարհային տնտեսության մասնատման, ինչը միջնաժամկետ հեռանկարում կարող է հանգեցնել համաշխարհային ՀՆԱ-ի 7%-ով կրճատման: Այս մասին հայտարարել է Էկոնոմիկայի հարցերով եվրահանձնակատար Վալդիս Դոմբրովսկիսը: Նա ավստսանք է հայտնել մաքսատուրքեր սահմանելու՝ Վաշինգտոնի մտադրության կապակցությամբ եւ դրանք անվանել չարդարացված: «Ավելին, դրանք խնդրահարույց կլինեն տնտեսական աճի համար ինչպես ԵՄ-ում, այնպես էլ ԱՄՆ-ում»,- ասել է եվրահանձնակատարը: Արժույթի միջազգային հիմնադրամը գնահատում է, որ եթե այս տնտեսական մասնատումը տեղի ունենա, եւ առեւտուրը կենտրոնանա հիմնականում որոշակի տնտեսական բլոկների ներսում, ապա համաշխարհային ՀՆԱ-ն միջնաժամկետ հեռանկարում կարող է կրճատվել 7 տոկոսով:

ԻՐԱՎԱԿԱՆ

ԻՇԽԱՆՈՒԹՅՈՒՆ ԶԱՆՁՆՎԵՑ

ՀԱՐԿԱՅԻՆ ՕՐԵՆՍՊԻՔԻ ՓՈՓՈԽՈՒԹՅՈՒՆՆԵՐԸ ՄԱՌԵՑՎԵՑԻՆ

Կառավարությունը հեռ կանգնեց սեփական համոզմունքներից և փետրվարի 27-ի կառավարության նիստում 6 ամսով հետաձգվեց հարկային օրենսգրքի փոփոխությունները:

Բանն այն է, որ 2025 թվականի հունվարի 1-ից ուժի մեջ մտած ՀՕ-340-Ն և ՀՕ-285-Ն հարկային օրենսդրության փոփոխությունները, որոնցով խստացվել են շրջանառության հարկի ռեժիմում գործողների համար վարչարարությունը և կրկնակի անգամ բարձրացվել են շրջանառության նկատմամբ հաշվարկվող դրույքաչափերը, լուրջ դժգոհություններ էին առաջացրել ՓՄՁ-ների շրջանում:

Նախորդ տարին տնտեսվարողների, փոքր և միջին բիզնեսների համար ավարտվեց խուճապով, քանի որ ՀՀ կառավարության ընդունած օրենքի համաձայն 2025 թվականից պետք է ավելանար Հայաստանի փոքր ու միջին բիզնեսի հարկային բեռը, ընդ որում շատերի դեպքում՝ հենց կրկնակի: Շրջանառության հարկը պատրաստվում էին բարձրացնել 5-ից մոտ 10 տոկոսով:

2025 թվականը մեկնարկվեց բողոքի ակցիաներով, խոշոր շուկաների՝ Ոսկու շուկայի, Մալաթիայի շուկայի, Առինջի շուկայի տնտեսվարողները՝ փոքր և միջին բիզնեսի ներկայացուցիչները, 2-3 շաբաթ անդադար պայքարում էին հարկային օրենսգրքի փոփոխության դեմ: Կառավարությունում էկոնոմիկայի, Ֆինանսների նախարարների և ՊԵԿ ներկայացուցիչների հետ քննարկումներից հետո Ազգային ժողովում նախաձեռնվեց քննարկում:

Աժ տնտեսական հարցերի մշտական հանձնաժողովին կից ՓՄՁ աշխատանքային խումբը փետրվարի 7-ին արտահերթ քննարկումով անդադարձել էր ՓՄՁ-ներին վերաբերող հարկային փոփոխություններին: Բազմաթիվ բողոքներից հետո, այդ նույն օրը Ազգային ժողովում ԲԴ-ական պատգամավոր և Աժ տնտեսական հարցերի մշտական հանձնաժողովի նախագահ Բաբկեն Թունյանը հայտարարեց, որ հարկային օրենսգրքի տնտեսվարողներին ցանկալի փոփոխությունները չեն լինելու և հստակ ձեակերպեց, որ օրենքն անժամկետ ոչ մի դեպքում հնարավոր չէ հետաձգել:



Փետրվարի 27-ին կառավարության նիստում, սակայն, ամեն բան փոխվեց հոգուտ տնտեսվարողների. վարչապետ Նիկոլ Փաշինյանը հայտարարեց, որ «շրջանառության հարկ վճարողների համար վեցամսյա անցումային շրջան ենք սահմանում մինչև հուլիսի 1-ը ներառյալ»:

Համաձայն այ որոշման՝ շրջանառության հարկ վճարողների համար վեց ամիս անցումային ժամանակաշրջան կսահմանվի: Կառավարության նիստում ֆինանսների նախարար Վահե Հովհաննիսյանն ասաց. «Հարկման նոր կանոնների պայմաններում ժամանակավոր բնույթ ունեցող խնդիրն այն է, որ առք ու վաճառքի գործունեությամբ զբաղվող շրջանառության հարկ վճարողներից շատերը 2025 թվականի հունվարի մեկի դրությամբ ունեցել են նախկինում ձեռք բերված զգալի ապրանքային մաքուրներ, որոնց համար կամ չունեն ձեռքբերումը հիմնավորող փաստաթղթեր, սակայն դրանց գծով մինչև 2025 թվականի հունվարի մեկը շրջհարկը նվազեցվել է ընդամենը 4 տոկոսի չափով՝ ներկայիս 9,5 տոկոսի չափով նվազեցման հնարավորության փոխարեն: Այս առումով անհրաժեշտ է, որպեսզի ներկա անցումային ժամանակաշրջանում, որը մեր գնահատման

մամբ ընդգրկելու է 2025 թվականի առաջին երկրորդ եռամսյակները, կառավարությունն աջակցի, որպեսզի շրջանառության հարկ վճարողները կարողանան ցածր հարկային բեռի միջավայրում իրացնել նախկինում առանց փաստաթղթերի ձեռք բերված ապրանքները: Այս համատեքստում շատ կարևոր է, որպեսզի շրջհարկ վճարողները, օգտագործելով կառավարության աջակցության այս անցումային ժամանակաշրջանը, իրենց ձեռնարկատիրական գործունեության մոդելը վերանայեն այնպես, որ 2025 թվականի հուլիսի մեկից հետո ձեռքբերումները և այլ ծախսերը կատարեն առավելապես փաստաթղթավորմամբ, որի պարագայում ոչ միայն հարկային բեռի բարձրացում չի լինի, այլ նաև կարող է լինել հարկային բեռի նվազեցում»:

Նիկոլ Փաշինյանը հավելեց. «Ըստ էության մենք վեցամսյա անցումային շրջան ենք նախատեսում մինչև հուլիսի մեկը ներառյալ: Ինչքան 5 տոկոսից ավելի հարկ կգոյանա, մենք այդ ամբողջ գումարը կվերադարձնենք տնտեսվարողներին»:

Ըստ էության այս հետ քայլով կառավարությունը նաև վայր դրեց գեները և ենթարկվեց տնտեսվարողների ճնշումներին: **ՀԱՍՍ ՄԻՔԱՅԵՆՅԱՆ**

ՔՐԵԱԿԱՆ ԶՐՈՆԻԿՈՆ

ԳՈՒՑԵ ՆԱԽԱՐԱՐԻ ՄԻՐԵԼԻ «ՈՒԻԳՄՈՐԻ» ԼԻՑԵՆԶԱՎՈՐՈՒՄԸ ՀՐԱՂԱՆԳՎԱԾ ԷՐ ՀՄՊՃԵՊ ՏԱԼ

Սկիզբը՝ առաջին էջում  
Քննչական կոմիտեում հարուցված քրեական գործից հետո առողջապահության նախարարությունում լուրեր տարածվեցին, որ, ի թիվս այլ հարցերի, իրավապահ մարմինների մոտ կասկածներ էին առաջացել նաև 2023 թվականին բացված և անմիջապես 600 միլիոն դրամի պետական պատվերի արժանացած անփորձ և անհայտ «Ուիգմոր» հիվանդանոցի լիզենզավորման գործընթացի օրինականության մասին: Նշվում էր, որ այդ գործակալության աշխատակից Ասլաբեյանին բերման ենթարկելու հանգամանքը պայմանավորված է եղել դրանով:

Տեղեկացնենք, որ նախարարության ներկայիս լիցենզավորման գործակալության պետ Վահե Ալեքսանյանը լիցենզավորման գործակալությունում բաժնի պետ էր դեռ մոտ մեկ տասնամյակ առաջ: Արդեն շուրջ 7 տարի է, որ նա գործակալության պետն է:

Հայտնի է նաև, որ «Ուիգմոր» կասանց և երեխաների հիվանդանոցի լիցենզավորման գործընթացը 2022 թվականին կազմակերպվել է աննախադեպ արագությամբ՝ առաջնորդվելով երեկի Սուսեր ԵժճԱ ԴՈՄՈՍ սկզբունքով: Իսկ միգուցե «Ուիգմոր» կասանց և երեխաների հիվանդանոցին մեծ արագությամբ լիցենզավորելու համար է Վահե Ալեքսանյանի՝ անհայտ մասնագիտությամբ և դատական բժշկության հետ որեւէ կապ չունեցող եղբայր Մարտին Ալեքսանյանին առողջապահության նախարարությունը «պարզեատրել» Դատաբժշկական գիտագործնական կենտրոնում «փարթամ» աշխատանքով:

ԱՊՕՐԻՆԻ ԾԱՌԱՐԱՏՈՒՄ Է ԿԱՏԱՐՎԵԼ

Փետրվարի 27-ին Համայնքային ոստիկանության Վեդիի բաժնում ստացվել է օպերատիվ տեղեկություն, որ Ուրցաձոր գյուղի մի բնակիչ Ուրցաձոր տանող ճանապարհին ծառ է հատում: Ոստիկանները մեկնել են նշված վայր:

Ոստիկանության փոխանցմամբ, Ուրցաձորի 59-ամյա բնակիչը Դաշտաքար-Ուրցաձոր ճանապարհի աջակողմյան հատվածում ապօրինի հատել է մեկ ուռենի: Քաղաքացին հրավիրվել է Համայնքային ոստիկանության Վեդիի բաժնի, իսկ ուռենիով բարձրված կցորդիչը տեղափոխվել է բաժնի պահպանվող հատուկ տարածք: Կազմված փաստաթղթերը փոխանցվել են Վեդիի քննչական բաժնի:

ԴԱՏԱԻՐԱՎԱԿԱՆ

ՈՉ ՄԻ ԾՐԱԳԻՐ ՉԻ ԻՐԱԿԱՆԱՑՎՈՒՄ

Կառավարության ծրագրով նախատեսված դատաիրավական բարեփոխումներից ոչ մի ծրագիր այս իշխանությունը լիարժեք չի իրականացրել, միայն 2 ծրագիր կա, որ կիսաս-դրաս իրականացվել է. մեկը դատավորների աշխատավարձի բարձրացումն է, երկրորդը դատավորների ֆանակն է ավելացել, թեև մեզ դեռ 150 դատավոր ավելացնել, իրենց 30-ն են ավելացրել: Այս մասին ցեղ է ԲԿԻ նախկին նախագահ Ռուբեն Վարդապետյանը:

Նրա խոսքով՝ նախատեսվում էր դատավորների բարեփոխության ստուգում, բայց հարց է առաջանում՝ բարեփոխությունը ստուգողների բարեփոխությունը ստուգված է: Ըստ Վարդապետյանի՝ Հակակոռուպցիոն դատարանի ստեղծումն անթույլատրելի էր, քանի որ

առանձին հակակոռուպցիոն օրենսդրություն չկա, կա մեկ Քրեական օրենսգրք, մեկ Քրեական դատավարության օրենսգիրք:

«Այսինքն՝ այդ դատարանը ոչ մի բանով չի տարբերվում մյուս դատարաններից: Դա շատ արագ ձեւավորված, իշխանության քիմիկի հաճելի մարդկանցով ձեւավորված դատարան էր, որտեղ, կոպիտ ասած, ընդամենը կատարում են պատվերներ: Լինում են, իհարկե, դեպքեր, երբ դատարանը կարողանում է իշխանությանը ոչ այդքան հաճելի որոշում կայացնել, բայց դա 1 տոկոս է կազմում», - ընդգծել է նա: ԲԿԻ նախկին նախագահի խոսքով՝ 2018 թվականից սկսած՝ արդարադատության վիճակը Հայաստանում ոչնչով չի փոխվել:

«Դատավորները քաղաքական իշխանության քիմիկի հաճելի դատական ակտեր են հրապարակում և այս պրոցեսը խորանում է: Ընդ որում, մենք անդառնալիության կետն էլ ենք անցել, այսինքն՝ մի պահ ընդունենք, որ հենց այսօր իշխանությունը գնում է, գալիս է ազգին նվիրյալ իշխանություն և ասում՝ «դե եկեք հետ դառնանք», բայց այլևս հետդարձի ճանապարհ չունենք: Լրջագույն դատական ռեֆորմի կարիք ունենք, լյուստրացիա, երբ բոլորն ազատվում են պաշտոններից, բոլոր դատարանները լուծարվում են, շատ արագ ստեղծվում է մի նոր հանձնաժողով, նոր դատարաններ ենք ստեղծում: Փորձ կա, նման բան տեղի է ունեցել Խորհրդային Միության փլուզումից հետո և վատ արդյունք չի տվել: Ցավոք սրտի, այդ անդառնալիության կետը անցել ենք: Հայաստանին նոր դատական համակարգ է հարկավոր», - հավելել է Ռուբեն Վարդապետյանը:

● Ըստ ոստիկանության տվյալների՝ փետրվարի 25-ից 26-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 119 դեպք, որից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԶՎՃԱՐՎԱԾ ԱՃԽԱՏԱՎԱՐՁԻ ՀԱՄԱՐ ԳԱՏԻ Է ՏՎԵԼ

Դիվիզանի պետական քոլեջի նախկին տնօրեն Գրետա Թամրազյանը 2024 թ. ապրիլի 5-ին հայցադիմում է ներկայացրել դատարան ընդդեմ «Դիվիզանի պետական քոլեջ» ՊՈԱԿ-ի աշխատավարձի բռնազանձման պահանջի մասին՝ խնդրելով պատասխանողից հոգուտ իրեն բռնազանձել 2015 թ. սեպտեմբերի 1-ից մինչև 2017 թ. փետրվարի 10-ն ընկած ժամանակահատվածի համար «Դիվիզանի պետական քոլեջ» ՊՈԱԿ-ի տնօրենի պաշտոնի համար նախատեսված եւ հայցվորին չվճարված աշխատավարձը, ինչպես նաեւ այդ աշխատավարձի վճարման կետանցված յուրաքանչյուր օրվա համար տուժանք՝ վճարման ենթակա աշխատավարձի 0,15 տոկոսի չափով, բայց ոչ ավելի, քան վճարման ենթակա գումարի չափը: 2024թ. նոյեմբերի 7-ին Դիվիզանում Տավուշի մարզի առաջին ատյանի դատարանի դատավոր Նանա Դավաթյանը վճռել է Գ. Թամրազյանի հայցը մերժել, Գ. Թամրազյանից հոգուտ «Դիվիզանի պետական քոլեջ» ՊՈԱԿ-ի բռնազանձել 100 հազար դրամ որպես փաստաբանի խելամուտ վարձատրության գումար: Գ. Թամրազյանի ներկայացուցիչը այդ վճռի դեմ բողոք է ներկայացրել քաղաքացիական վերաքննիչ դատարան, այն ընդունվել է դատարանի վարույթ: Գ. Թամրազյանը նախկինում քրեական հետապնդման է ենթարկվել: Նրան մեղադրանք է առաջադրվել այն բանի համար, որ նա 2006 թ. -ից աշխատելով ՀՀ կրթության եւ գիտության նախարարության «Դիվիզանի պետական քոլեջ» ՊՈԱԿ-ի տնօրեն, հանդիսանալով պաշտոնատար անձ, դեկավարելով քոլեջի կրթական, գիտական, արտադրական, ֆինանսական գործունեությունը, 2014թ.-ին ստացել է յուրաքանչյուր օրվա բազմաթիվ ուսանողների կրթաթոշակների գումարները: 2020թ. օգոստոսի 7-ին Տավուշի մարզի առաջին ատյանի դատարանը վճռել է ճանաչել եւ հրապարակել Գրետա Թամրազյանի անմեղությունը ՀՀ քրեական օրենսգրքի 179-րդ հոդվածի 2-րդ մասի 1-ին կետով (երկու դրվագով), ՀՀ քրեական օրենսգրքի 38-325-րդ հոդվածի 1-ին մասով նախատեսված հանցագործությունների կատարման մեջ եւ նրան արդարացել: Դատախազությունը վճռի դեմ վերաքննիչ բողոք է ներկայացրել: 2021թ. մայիսի 12-ին քրեական գործերով վերաքննիչ դատարանը որոշել է մեղադրող էր. Հարությունյանի վերաքննիչ բողոքը բավարարել մասնակիորեն, Տավուշի մարզի առաջին ատյանի դատարանի 2020թ. օգոստոսի 7-ի թիվ դատավճիռը բեկանել, Գ. Թամրազյանին մեղավոր ճանաչել ՀՀ քրեական օրենսգրքի 179-րդ հոդվածի 2-րդ մասի 1-ին կետով նախատեսված երկու, 38-325-րդ հոդվածի 1-ին մասով նախատեսված մեկ հանցագործություններ կատարելու համար, եւ նրան քրեական պատասխանատվությունից ազատել՝ քրեական պատասխանատվության ենթարկելու վաղեմության ժամկետն անցնելու հիմքով: 2021թ. հոկտեմբերի 28-ին վճռաբեկ դատարանը որոշել է Գ. Թամրազյանի վերաբերյալ ՀՀ վերաքննիչ քրեական դատարանի՝ 2021 թ. մայիսի 12-ի որոշման դեմ պաշտպան Ի. Պետրոսյանի վճռաբեկ բողոքը վարույթ ընդունել մերժել:

**ՈՍԿԱՆ ՄԱՐԳԱՅԱՆ**  
**Տավուշ**

ԱԶՄԱԿՑՈՒԹՅՈՒՆ

ՊԱՅՔԱՐՈՒՄ ԵՆ ԳԵՐԻՆԵՐԻ ԻՐԱՎՈՒՆՔՆԵՐԻ ՀԱՄԱՐ

Բավկում աղօրհնաբար դահվող Ռուբեն Վարդանյանի եւ մյուս գերիների հարցով ակցիայի մասնակիցները, երեկ, հավաքվել էին Հայաստանի արտաքին գործերի նախարարության շենքի դիմաց:



Նրանք պահանջում են անհապաղ հրավիրել ՀՀ-ում հավատարմագրված դիվանագետներին՝ ներկայացնելով Բաքվում կատարվող ապօրինություններն ու պահանջելով այդ ուղղությամբ առարկայական քայլերի իրականացում:

Ակցիայի մասնակիցների խոսքով անընդունելի է նաեւ միջազգային հանրության լռությունը, որով մասնակից են դառնում կատարվող հանցագործություններին՝ բավարարվելով անատամ կոչերով: «Մենք ԱԳՆ-ից պահանջում ենք՝ հրավիրել Հայաստանում հավատարմագրված դիվանագետներին՝ ներկայացնելով Բաքվում մեր հայրենակիցների նկատմամբ կատարվող ապօրինությունները՝ պահանջելով առարկայական քայլերի իրականացում այս ուղղությամբ: ԱԳՆ-ն պետք է անհապաղ հրավիրի Հայաստանում հավատարմագրված միջազգային բոլոր դիվանագետներին եւ նրանց հետ աշխատի՝ բանտարկվածներին հայրենիք վերադարձնելու համար», -նշել են մասնակիցները:

Անդրադառնալով հայ ռազմագերիների, պատանդների հարցով ԱԳՆ-ի վերջին հայտարարությանը՝ նրանք փաստում են, որ միայն խոսքերով ոչինչ անել հնարավոր չէ, պետք է գնալ գործողությունների: Ակցիայի ընթացքում ընթերցեցին նաեւ Բաքվում ապօրինաբար պահվող, Լեռնային Ղարաբաղի նախկին պետնախարար Ռուբեն Վարդանյանի հայտարարությունը, որն արել է փետրվարի 19-ին ընտանիքի հետ հեռախոսազրույցի ժամանակ: Վարդանյանը ներկայացրել է, թե ինչպիսի ապօրինություններ են տեղի ունենում Բաքվում իր եւ մյուս գերիների նկատմամբ: Ռուբեն Վարդանյանը նշել է, որ այդ գործընթացն իրականացվում է բոլոր իրավական նորմերի եւ ընթացակարգերի կոպտագույն խախտումներով:

Իր գործը ընկնում է ապօրինի ռազմական, ոչ թե քաղաքացիական դատարանը: Ինքը լիարժեք հասանելիություն չի ունեցել մեղադրական եզրակացության եւ իր դեմ ներկայացված, այսպես կոչված, ապացույցներին, արդեջաներենով գրված 422 հատոր նյութերին: Իր փաստաբանի հասանելիությունը գործի նյութերին սահմանափակվում է, առգրավվում են գործի նյութեր, հոգեբանական ճնշում են գործադրում փաստաբանի վրա: Վարդանյանը նաեւ նշել է, որ իր միջազգային իրավաբանական թիմին արգելվել է շփվել կամ հանդիպել իր հետ եւ հասանելիություն ունենալ գործի նյութերին:

«Այս դատաքննությունը միայն իմ նկատմամբ չէ, սա փորձ է դատապարտելու բոլոր հայերին, որոնք օգնել եւ աջակից են եղել Արցախին ու նրա բնակչությանը: Սա հարված է՝ ուղղված մի ողջ ժողովրդի: Ես իրաժառկվում եմ այս ֆարսին մասնակցելուց», -ընդգծել է Վարդանյանը: Պետնախարարը դիմել է աշխարհի առաջնորդներին, միջազգային կազմակերպություններին, իրավապաշտպաններին, լրատվամիջոցների ներկայացուցիչներին, որ այդ գործընթացը նրանց ուշադրությունն է պահանջում: «Նման խախտումներն անարձագանք թողնելը

ճանապարհ է հարթելու ապագա ողբերգությունների համար՝ թշնամանքի ու ատելության նոր ալիք հրահրելով: Միայն ճշմարտության, օրենքի ու հումանիզմի միջոցով է հնարավոր տարածաշրջանում արդարություն ու խաղաղություն ապահովել», -նշել է Վարդանյանը:

Հիշեցնենք, որ արդեն 10 օր է, ինչ հաջողվել է հայտարարել:

«Ապրելու երկիր» կուսակցության համահիմնադիր Մեսրոպ Առաքելյանի խոսքով Բաքվում գտնվող հայրենակիցների համար Հայաստանի ԱԳՆ-ն պետք է գործողություններ իրականացնի: «Միեւնույն ժամանակ մենք հասկանում ենք, որ Ադրբեջանի առկա վարքագիծը հնարավորություն չի տալիս միայն Հայաստանի ուժերով այս հարցը լուծել: Սակայն Հայաստանը պետք է հանդիսանա այս հարցը միջազգային ատյաններում բարձրաձայնողը», -ասել է Առաքելյանը՝ դժգոհություն հայտնելով Հայաստանի իշխանությունների ձեռնարկած գործողություններից:

Ակցիայի մասնակիցները երթով շարժվել են դեպի Հանրապետության հրապարակ՝ կառավարության շենքի դիմաց՝ այստեղ շարունակելու ակցիան: Այնուհետեւ պետք է գնան ՄԱԿ-ի գրասենյակի մոտ:

**ՔՐԻՍՏԻՆԱ ՍՈՒԵՆՅԱՆ**

ՀԻՎԱՆԴՆԵՐԸ ՇԱՏ ԵՆ

ԴՊՐՈՑՆԵՐՆ ՈՒ ՄԱՆԿԱՊԱՐՏԵԶՆԵՐԸ ԶԵՆ ՓԱՆՎԻ

Հանրապետությունում սուր շեշտադրված վարակներով դայամաճարձված դորոցներն ու մանկապարտեզները փակելու անհրաժեշտությունը չկա: Այս մասին ասել է ՀՀ առողջապահության նախարար Անահիտ Ավանեսյանը: Ըստ նրա ամենօրյա ռեժիմով մոնիթորինգ են իրականացնում մի քանի ուղղություններով:

«Վստահ եղեք, մենք ամենօրյա մոնիթորինգ ենք իրականացնում թե մանկապարտեզներում, թե դպրոցներում, թե ամբուլատորիաներում, թե պոլիկլինիկաներում: Դիտարկում ենք ուսումնական հաստատություններում հաճախելիությունը, բուժհաստատություններ դիմելիությունը: Մեր ուշադրություն կենտրոնում են հիվանդանոցները, վերակենդանացման բաժանմունքները: Մենք ունենք հստակ ուղեցույց այն մասին, թե որ դեպքում է պետք անցնել հավելյալ միջոցառումների վարակի

բնկումները զսպելու համար: Ասեմ, որ այս պահին իրավիճակն այնպիսին է, որ հավելյալ միջոցառումների անհրաժեշտություն չկա», -ասել է Անահիտ Ավանեսյանը:

Անդրադառնալով այն դիտարկմանը, որ այս շրջանում փակվեն դպրոցներն ու մանկապարտեզները՝ Անահիտ Ավանեսյանը նշեց, որ դա անարդյունավետ միջոց է: Սուր շեշտադրված վարակների ակտիվացման սեզոնը սկսվում է նոյեմբերից եւ տեւում է մինչեւ մարտ: Այդ ընթացքում սուր շեշտադրված վարակների ակտիվացման պարագայում ուսումնական հաստատությունները փակելը տեղին չէ:

«Դա պարզապես անհնար է: Ի վերջո, ցանկացած միջոցառում պետք է խելամիտ իրականացվի, որպեսզի արդյունքն ունենանք: Առանձին դեպքերում մենք ունենք լուծումներ: Մասնավորապես, ունենք առանձին հնարավորություններ դպրոցների մասով: Եթե կոնկրետ դպրոցում

բացակայությունների թիվը 25 տոկոսից անցել է՝ ելնելով երեխաների հիվանդացությունից, ապա տվյալ դպրոցը կարող է անցնել հեռավար ուսուցման՝ համաձայնեցնելով կրթական գերատեսչության հետ: Այսինքն՝ մեխանիզմը ստեղծված է: Ամեն դեպքում կրկնում եմ, այս պահին եւ դրանից առաջ ունեցած համաճարակային իրավիճակը նման ցուցման հիմք չէ», -ասել է նա:

Նա հավելեց, որ վերջին 3 օրվա ընթացքում հանրապետությունում սուր շեշտադրված վարակների հետ կապված հիվանդացության նվազման միտում է նկատվում: Ինչ վերաբերում է այն հարցին, թե դպրոցներում բժշկից տարված թուղթը հաշվի չի առնվում ու մտավախություն կա երեխաների բացակայության անհնչությամբ, ապա նախարարը նշեց, որ այդ հարցը կքննարկի իր գործընկերոջ՝ ԿԳՄՍ նախարար Ժաննա Անդրեասյանի հետ:

**Ա. ՍՐԱՊԻՈՒՅԱՆ**

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 5 պատահար. 2 մարդ զոհվել է, 4-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏԵՂԵԿԱՏՎՈՒԹՅՈՒՆ

ՔԱՆԻ ԷԼԵԿՏՐԱՄՈՔԻԼ Է ՆԵՐՄՈՒԾՎԵԼ

Պետական եկամուտների կոմիտեի փոխանցմամբ, Եվրասիական տնտեսական հանձնաժողովի խորհրդի 24.11.2023թ. N 134 որոշմամբ ԱՏԳ ԱԱ 8703 80 000 2 ծածկագրին դասվող էլեկտրական շարժիչով տրանսպորտային միջոցների համար 0% ներմուծման մաքսատուրքի արտոնությամբ ձեւակերպելու քվոտան 2025 թվականի համար սահմանվել էր 8000 հատ տրանսպորտային միջոցի մասով, որը ՀՀ կառավարության 28.11.2024թ. N 1876-Ն որոշմամբ բաշխվել է հետևյալ կերպ.

1) 3000 հատից ոչ ավելի քանակով տրանսպորտային միջոցներ մաքսատուրքի արտոնությամբ կարող են ձեւակերպվել անմիջապես ավտոարտադրողի հետ կնքված դիլերական-դիստրիբյուտորական պայմանագրի (համաձայնագրի) շրջանակներում ներմուծում իրականացնող սուբյեկտների կողմից:

2) 5000 հատից ոչ ավելի քանակով՝ 1-ին կետում չնշված ներմուծում իրականացնող սուբյեկտների (այդ թվում՝ ֆիզիկական անձանց) կողմից:

Կոմիտեն տեղեկացնում է, որ 2025թ. փետրվարի 27-ը ներառյալ մաքսատուրքի արտոնությամբ ձեւակերպվել է.

1) 432 հատը կամ բաշխված քվոտայի (3000 հատ) 14.4%-ը՝ անմիջապես ավտոարտադրողի հետ կնքված դիլերական-դիստրիբյուտորական պայմանագրի շրջանակում ներմուծում իրականացնող սուբյեկտների կողմից:

2) 4718 հատը կամ բաշխված քվոտայի (5000 հատ) շուրջ 94.4%-ը՝ 1-ին կետում չնշված ներմուծում իրականացնող սուբյեկտների կողմից:

ԵՂԱՆԱԿՆ ԱՌԱՋԻԿԱ ՕՐԵՐԻՆ

Առաջիկայում սպասվում է առանց տեղումների եղանակ. օդի ջերմաստիճանն աստիճանաբար կբարձրանա: Ըստ «Հիդրոօդերևութաբանության եւ մոնիթորինգի կենտրոն»-ի, Երեւանում մարտի 1-ի գիշերը, 2-3-ին, 4-ի ցերեկը, 5-ին սպասվում է առանց տեղումների եղանակ:

Մարտի 1-ի եւ 3-ի երեկոյան, 4-ի գիշերը սպասվում է թույլ ձյուն: Մարտի 2-ի ցերեկը, 3-ի գիշերը, մարտի 5-ին սպասվում է առանց տեղումների եղանակ: Մարտի 1-ին, 2-ի գիշերը, 3-ի երեկոյան, 4-ի գիշերը առանձին շրջաններում սպասվում է ձյուն: Քամին հարավարեւմտյան 2-5մ/վ, փետրվարի 28-ի ցերեկը սպասվում է քամու ուժգնացում՝ 17-20մ/վ, մարտի 3-ին՝ 14-18մ/վ արագությամբ, լեռնային շրջաններում՝ բուք, ցածր հորիզոնական տեսանելիություն:

Օդի ջերմաստիճանը մարտի 1-ի ցերեկը կնվազի 2-3, Լոռիում, Տավուշում, Սյունիքում՝ 4-6 աստիճանով, այնուհետեւ ողջ հանրապետությունում ցերեկային ժամերին աստիճանաբար կբարձրանա 4-6 աստիճանով:

«ՀԱՅԷԿՈՆՈՄԲԱՆԿ»

ԿՏԵՂԱԲԱՇԽԻ ԴՈՒՐԱՐԱՅԻՆ ԵՎ ԴՐԱՄԱՅԻՆ ՊԱՐՏԱՏՈՄՄԵՐ

Սույն թվականի մարտի 3-ից հունիսի 18-ն ընկած ժամանակահատվածում Բանկը կսեղաբաշխի իր կողմից թողարկված դոլարային եւ դրամային դարսաստմաների հերթական սրաները:

Դրամային պարտատոմսերի ընդհանուր ծավալը կազմում է 3,0 մլրդ ՀՀ դրամ, որը ներառում է 300,000 հատ անվանական, ոչ փաստաթղթային, արժեկտրոնային պարտատոմս՝ 10,000 ՀՀ դրամ անվանական արժեքով: Պարտատոմսերի տարեկան արժեկտրոնային եկամտաբերությունը կազմում է 11.00 տոկոս, շրջանառության ժամկետը՝ 36 ամիս: Արժեկտրոնային եկամտի վճարումն իրականացվելու է կիսամյակային պարբերականությամբ: Դրամային պարտատոմսերի մարման ամսաթիվն է 03.03.2028թ.-ը: Տեղաբաշխման երթակա դոլարային պարտատոմսերի ընդհանուր ծավալը կազմում է 10,0 մլն ԱՄՆ դոլար, որը ներառում է.

50,000 հատ անվանական, ոչ փաստաթղթային, արժեկտրոնային պարտատոմս՝ 100 ԱՄՆ դոլար անվանական արժեքով: Պարտատոմսերի տարեկան արժեկտրոնային եկամտաբերությունը կազմում է 6.25 տոկոս, շրջանառության ժամկետը՝ 60 ամիս: Արժեկտրոնային եկամտի վճարումն իրականացվելու է կիսամյակային պարբերականությամբ: Պարտատոմսերի մարման ամսաթիվն է 03.03.2030թ.-ը:

50,000 հատ անվանական, ոչ փաստաթղթային, արժեկտրոնային պարտատոմս՝ 100 ԱՄՆ դոլար անվանական արժեքով: Պարտատոմսերի տարեկան արժեկտրոնային եկամտաբերությունը կազմում է 5.50 տոկոս, շրջանառության ժամկետը՝ 36 ամիս: Արժեկտրոնային եկամտի վճարումն իրականացվելու է կիսամյակային պարբերականությամբ: Պարտատոմսերի մարման ամսաթիվն է 03.03.2028թ.-ը: Արժեկտրոնային եկամտի վճարումն իրականացվելու է կիսամյակային պարբերականությամբ: Տեղա-



բաշխման ավարտից հետո պարտատոմսերը ներկայացվելու են ցուցակման «Հայաստանի ֆոնդային բորսա» ԲԲԸ եւ ունենալու են շուկա ստեղծող:

Պարտատոմսերի Ծրագրային ազդագիրը ՀՀ Կենտրոնական Բանկի կողմից գրանցվել է 2024թ. հունիսի 19-ին: Ծրագրային Ազդագրի եւ թողարկման վերջնական պայմանների էլեկտրոնային տարբերակները կարելի է ներբեռնել [www.aeb.am](http://www.aeb.am) կայքից, իսկ թղթային տարբերակը հնարավոր է ձեռք բերել՝ այցելելով «ՀԱՅԷԿՈՆՈՄԲԱՆԿ» ԲԲԸ-ի գլխամասային գրասենյակ, հասցե՝ ք. Երեւան, Ամիրյան 23/1:

Պարտատոմսերը կարող են ձեռք բերել ֆիզիկական եւ իրավաբանական անձիք՝ դիմելով «ՀԱՅԷԿՈՆՈՄԲԱՆԿ» ԲԲԸ-ի գլխամասային գրասենյակ կամ ցանկացած մասնաճյուղ:

\*Հիշեցնենք, որ «Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքի համաձայն Բանկի կողմից թողարկված անվանական արժեկտրոնային պարտատոմսերով ներգրավված դրամական միջոցները համարվում են երաշխավորված բանկային ավանդ եւ երաշխավորված են «Ավանդների հատուցումը երաշխավորող հիմնադրամի» կողմից:

ՀԱՍԱՐԱԿՈՒԹՅՈՒՆ

ԹՎԱՅԻՆ ՔԱՐՏ՝ ՇԱՀԵԼՈՒ ՀՆԱՐԱՎՈՐՈՒԹՅԱՄԲ

Մինչեւ մարտի 20-ը բացիր անվճար Visa թվային քարտ Telcell Wallet-ում, ստացիր 2 x 5000 BON եւ հատուկ նվեր՝ iPhone 16 Pro, եթե դառնաս գումարային առավելագույն վճարումներ կատարած 3 մասնակիցներից մեկը:

Visa թվային քարտով հարմար է կատարել օնլայն գումարներ եւ վճարումներ ամբողջ աշխարհում: Քարտը չունի ֆիզիկական կրիչ, հետեւաբար ավելի անվտանգ է, քանի որ Telcell Wallet-ում պահվող անհատական տվյալները հեռու են բոլորի աչքերից:

Visa թվային քարտն ունի նաեւ հետևյալ առավելությունները՝ անվճար ստեղծում եւ սպասարկում, 5 յուրաքանչյուր դիզայն,

արշավի շրջանակներում Visa թվային քարտով այլ քարտի փոխանցումներ կատարելիս մինչեւ 10,000 դրամի դեպքում՝ 50 դրամ 100-ի դրամի փոխարեն իսկ 10,000 դրամ եւ ավելի դեպքում՝ 0.5% միջնորդավճար՝ 0.8%-ի փոխարեն,

տարեկան 3% եկամուտ՝ հաշվի դրական մնացորդի վրա, Apple Pay-ով եւ Google Pay-ով վճարելու հնարավորություն, 0% միջնորդավճարով համալրում 4500+ Telcell Terminal-ներով՝ 24/7:

Արշավին մասնակցելու համար անհրաժեշտ է ստեղծել Visa թվային քարտ Telcell Wallet-ում եւ դառնալ գումարային առավելագույն վճարումներ կատարած 3 մասնակիցներից մեկը: Վճարումների հաշվարկը կատարվելու է հետևյալ կերպ. օրինակ՝ քաղաքացին կատարել է 3 վճարում կամ փոխանցում՝ 5000 դրամ + 72,000 դրամ + 13,000 դրամ: Ստացված գումարը համեմատվելու է մյուս մասնակիցների արդյունքների հետ, ինչի հիման վրա ընտրվելու են 3 հաղթողները: Արշավին մասնակցելու պայման չէ առավելագույն գործարքներ անելը: Դա միայն վերաբերում է iPhone 16 Pro շահելուն: Նույնը վերաբերում է BON-երին, այսինքն՝ քարտ բացելով յուրաքանչյուր ոք արդեն իսկ ստանում է BON-ներ: Ակցիան գործելու է մինչ մարտի 20-ը:

«ԹԵԼ-ՍԵԼ» ԲԲ ընկերությունը վերահսկվում է ՀՀ Կենտրոնական բանկի կողմից:

ԲԱՔՎԻ ԴԱՏԱՎԱՐՈՒԹՅՈՒՆԸ ԲԵՄԱԴՐՈՒԹՅՈՒՆ Է

ՀՀ Բյուրոյի հայտարարությունը Սումգայիթյան ջարդերի 37-րդ տարելիցի եւ Բաքվում ընթացող դատավարության կապակցությամբ. «1988 թ. փետրվարի ազդարարեց ազգային զարթոնքի եւ նորագույն ժամանակների ազատագրական պայքարի մեկնարկը, որի փառապատիվը Հայաստանի վերանկախացումն էր եւ Արցախի Հանրապետության կերտումը: Ի պատասխան արցախահայության սահմանադրական իրավունքի իրացման խաղաղ պայքարի, Ադրբեյջանը՝ հորհրդային իշխանությունների անտարբերության պայմաններում, 1988 թ. փետրվարի 27-ից 29-ը կազմակերպեց եւ իրականացրեց Սումգայիթ քաղաքի հայ ազգաբնակչության արյունալի ջարդերը: Սումգայիթին հաջորդեցին Բաքվում, Գանձակում, Շամխորում եւ այլ քաղաքներում իրականացրած հայկական կոտորածներն ու էթնիկ զտումը»:

«Օղովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՍԱՐՅԱՆԱԿԱՆ

ՆԿԱՐՉԻ ԱՊՐԱԾ ԿՅԱՆՔՆ ՈՒ ՃԱՆԱՊԱՐԿԸ

Փետրվարի 28-ը հայ նկարիչ Մարտիրոս Մարյանի ծննդյան օրն էր: Մարյանի վրձնած կտավները հայցնի են ինչդեռ Հայաստանում, այնուհետ էլ օվկիանոսի ափերից դուրս:

Մարտիրոս Մարյանի նախնիները Անի-ից են, որոնք գաղթել են Ղրիմ եւ մասնակցել են տեղի հայկական գաղթավայրի հիմնադրմանը: Ղրիմի հայկական գաղթավայրի հիմնադրումից հետո Մարյանի նախնիները մասնակցել են Նաեւ Նոր Նախիջեւանի հայկական գաղութի ստեղծմանը:


Ինչ վերաբերում է նկարչին՝ Մարտիրոս Մարյանին, ապա պետք է նշել, որ Մարյանն իր գիտելիքները ստացել է Մոսկվայի գեղանկարչության, քանդակագործության եւ ճարտարապետության ինստիտուտում 1897-1904 թվականներին:

Մարյանն առաջին անգամ Կովկաս մեկնել է 1901 թվականի, այնուհետեւ եղել է Աշտարակում, Երեւանում, Վաղարշապատում, Սեւանում, իսկ արդեն 1902 թվականին Անիում: Իր այս ճամփորդությունների ընթացքում էլ Մարյանը «հափշտակելով», մանրակրկիտ ուսումնասիրելով իր իսկ ժողովրդի մշակույթը, սովորությունները, որմանկարչությունը, ճարտարապետությունը եւ մշակույթին վերաբերող ցանկացած փոքր թվացող մանրուք մեծ ներդրում է արել իր նկարչի կարիերայում:

Կարելի է անգամ ասել, որ ուսումնասիրելով պատմությունն ու մշակույթը, այդ ամենը վճռական ազդեցություն է ունեցել Մարյանի աշխարհայացքի եւ ստեղծագործական մեթոդի ձեւավորման ու զարգացման վրա, ինչն էլ հիմա տեսնում ենք նկարչի ստեղծագործություններում:

Մեծ Եղեռնը յուրաքանչյուր հայի համար ցավալի թեմա է, բայց Նաեւ Նորք եւ կարելի է թեմա: 1915 թվականին Մեծ Եղեռնի օրերին Մարտիրոս Մարյանը աշխատել է «Հայերին օգնող մոսկովյան կոմիտեում»:

Մարտիրոս Մարյանը մեկնել է Էջմիածին՝ թուրքական սրից հալածական հայ գաղթականներին տեղում օգնություն ցուցաբերելու: Հովհաննես Թումանյանի, Գ. Հովսեփյանի եւ հայ այլ մտավորականների հետ, մոլեգնող համաճարակի պայմաններում, բոլոր ճիգերն ու ջանքերը



գործադրել է Արեւելյան Հայաստանում ապաստանած վերջին արեւմտահայերին մահվան ճիղերից փրկելու համար:

Այդ ամենն իհարկե ծանրագույն կերպով ազդեցություն է թողել Մարյանի հոգուն եւ սրտին: Բազում անքուն գիշերները եւ տեսած ծանր տեսարանների տպավորության տակ նկարիչը հոգեկան ցնցում է ստացել:

Երբ Հայաստանում հաստատվել են Սովետական բարեբերը, Մարտիրոս Մարյանն իր ընտանիքի հետ 1921 թվականին տեղափոխվել է Երեւան եւ մշտական բնակություն հաստատել: Մարյանն իր վախճանը կնքել է Երեւանում 1972 թվականի մայիսի 5-ին: Հայրենի հողի բնապատկերները գերակշռում են Մարյանի նկարներում: Նայելով Մարյանի նկարներին կամա թե ակամա զգում ես հայկական շունչն ու հոգին: Եթե անգամ կապ չունենք նկարչության հետ եւ գուցե անգամ տիեզերագնաց եք, անզեն աջքով էլ կնկատեք Մարտիրոս Մարյանի նկարներից «ծորացող» լույսը, արեւի ստվերը ու «թափվող» ջերմությունը: Եթե նույնիսկ

ապրում եք հայրենիքի սահմաններից դուրս եւ ձեր կարոտակեզ սիրտը տենչում է հայրենիքը, ապա Մարյանի վրձնած կտավները ի զօրու են փոքր ինչ մեղմել կարոտը:

ArmLur.am-ը ներկայացնում է մեծն նկարչի հայտնի մտքերից մի քանիսը:

Կյանքը մի կղզի է: Մարդիկ դուրս են գալիս ծովից, քայլում են այդ կղզիով եւ դարձյալ մտնում ծով: Այդ վաղանցիկ կյանքը հավիտենական է, չքնաղ:

Մարդ ինքը պիտի սովորի, պիտի տեսնի, ճանաչի, սիրի, տեսնի իրեն ու անկեղծ լինի: Իսկ սովորել պետք է բնությունից: Նրանից մեծ ուսուցիչ չկա:

Իր աշխատանքով մարդ պետք է արդարացնի այն շնորհը, որ ստացել է բնությունից:

Արվեստը ժամանակի ու պատմության խրոնիկա չէ եւ ոչ էլ գաղափարների իլյուստրացիա: Այն հոգեկան մի ակտիվություն է, որ հավերժական բնույթ ունի:

Անհար է սարը տեսնել՝ կանգնելով նրա կողքին:

ԱՆՆԱ ՄՐԱՊԻՈՆՅԱՆ

ՄԱՐԶԱԿԱՆ

ԱՇԽԱՏԱՆՔԸ ԲՆՆԱԳԱՏԵԼ Է

Իտալիայի հավաքականի նախկին հարձակվող Անտոնիո Կասսանոն քննադատել է Թուրքիի «Յուվենտուսի» գլխավոր մարզիչ Տիագո Մոտայի աշխատանքը: «Տիագո Մոտան աղետ է դարձել: Մի քանի ֆուտբոլիստներ իրենց արժեքը կորցրել են: Ես չեմ հասկանում, թե ինչու են նրանք կասկածի տակ դնում Թյուրամին, որը հաճախ չի խաղում, չնայած «Յուվեի» լավագույն խաղացողն է: Նրանք պետք է ամեն ինչ նորից սկսեն այլ մարզչի հետ: Աղետալի արդյունքներ», -մեջբերում է լրագրող Նիկոլո Սկիրան X սոցիալական ցանցում (նախկին Twitter) Կասանոյի խոսքերը: Հիշեցնենք, որ Տիագո Մոտան «Յուվենտուսի» գլխավոր մարզիչ է դարձել 2024 թվականի ամռանը: Նախկինում մասնագետը գլխավորել է «Բոլոնիան»: 26 տարից հետո թուրինյան թիմը Ա Սերիայի մրցաշարային աղյուսակի չորրորդ տեղում է՝ 49 միավորով: Թուրինյան թիմը դուրս է մնացել Իտալիայի գավաթի խաղարկությունից քառորդ եզրափակիչ փուլում:

ՄԻԱՎՈՐՆԵՐԻՑ ԿԶՐԿԵՆ

«Բարսելոնայի» նախկին պաշտպան Ժերարդ Պիկեն առաջարկել է թիմերին միավորներից զրկել, եթե խաղն ավարտվի 0-0 հաշվով: «Հի կարող այնպես լինել, որ գնաս ֆուտբոլային մարզադաշտ, ծախսես 100, 200 կամ 300 եվրո, եւ խաղն ավարտվի 0-0 հաշվով: Ինչ-որ բան պետք է փոխվի: Մի առաջարկ, որը կարելի է դիտարկել, այն է, որ եթե խաղն ավարտվի 0-0 հաշվով, ապա թիմերը միավորներ չեն վաստակում: Այդ դեպքում 70-րդ րոպեից հանդիպումն ավելի բաց կլինի», - Պիկեի խոսքերն է մեջբերում Marca-ն: Ժերարդ Պիկեն «Բարսելոնայի» երիտասարդական ակադեմիայի սան է: Նա 2023 թվականին ավարտել է կարիերան:

ԽՈՍՏԵԼ Է ՏԵՂԱՓՈԽՈՒԹՅՈՒՆԻՑ

«Սանթոսի» բրազիլացի հարձակվող Նեյմարը խոսել է իսպանացի մարզիչ Խոսեպ Գվարդիոլայի գլխավորությամբ Մյունխենի «Բավարիա» ձախողված տեղափոխության մասին: «Ես գրեթե տեղափոխվում էի «Բավարիա»՝ Գվարդիոլայի պատճառով: Ես Շվեյցարիայում էի, որտեղ պետք է ստանայի Պուշկասկայի մրցանակը: Այնտեղ Գվարդիոլան կապ հաստատեց ինձ հետ: Նա ցանկանում էր ինձ հրավիրել այն ակումբ, որը պատրաստվում էր գլխավորել: Պեպը հանեց նոտիքներ եւ թուրք, որպեսզի ցույց տա իր ծրագրերը եւ ասաց, որ կփոխի թիմը, եթե ես մեկ տարվա ընթացքում 60 գոլ չխփեմ:

Նա չցանկացավ ասել, թե որ ակումբում կաշխատի, բայց ես, այնուամենայնիվ, համոզեցի նրան խոստովանել դա՛ խոսքը «Բավարիայի» մասին էր: Ես գիտեմ, որ այնտեղ ցուրտ է, Բարսելոնան կամ Մադրիդը չէ, բայց ես կհոգամ ըն մասին, ես քեզ լավագույնը կդարձնեմ: Ես ամեն դեպքում որոշեցի տեղափոխվել «Բավարիայի» տարբերակը», -ասել է Նեյմարը YouTube-ի Podpah ալիքին տված հարցազրույցում:

ՊԱՇՏՊԱՆՈՒԹՅԱՆ ՕՐ. ԲՈՆԱԶԱԿԱԹՎԱԾ ՀՈՂԵՐԻ ՊԱՅՆՋՈՎ

«Հայկական նախագիծ-ը հայաստանում է սարածել Ադրբեջանական ԽՍՀ-ում կազմակերպված ջարդերի զոհերի հիշատակի եւ բռնազաղթված հայ բնակչության իրավունքների դաժնամտության օրվա կադակցությունը»:

«Ի Հայաստան եւ ի սփյուռս աշխարհի, հայոց օրացույցում փետրվարի 28-ը հիշատակվում է որպես Ադրբեջանական ԽՍՀ-ում կազմակերպված ջարդերի զոհերի հիշատակի եւ բռնազաղթված հայ բնակչության իրավունքների պաշտպանության օր»:

Նույնիսկ խորհրդային տարիներին երբեք չմարած ադրբեջանական քաղաքական հայատյացությունը 1988թ.-ից հասավ գագաթնակետին: Լեռնային Ղարաբաղի ինքնավար մարզի բնակչության արդար եւ օրինական ցանկությունները որպես ագրեսիայի պատրվակ օգտագործելով՝ Ադրբեջանը պետականորեն իրականացրեց հայ բնակչության ջարդեր եւ բռնազաղթեցում: Սումգայիթի, Բաքվի, Նախիջեւանի ջարդերից գատ՝ Ադրբեջանը բռնազաղթեց իրենց պատմական բնօրրանում՝ Բուն Աղվանքում, Նախիջեւանում, Ուտիք եւ Արցախի աշխարհների Շակաշեն (Գանձակ), Գարդման (Շամխոր), Կողթ (Գետաշենի ենթաշրջան), Մեծ Կվենք եւ Մեծիրանք (Շահումյան եւ Մարտակերտ) գավառներում ապրող հայությանը: Բռնազաղթվածների մի մասն ապաստան գտավ Հայաստանի եւ Արցախի Հանրապետություններում, իսկ մյուս մասն էլ, պետական ոչ պատշաճ հոգածության պատճառով, բռնեց հարկադիր տարագրության ուղին՝ աստիճանաբար հեռանալով հայրենի արմատներից եւ պահանջատիրությունից:

2020-2023 թթ.-երից հետո ադրբեջանական ցեղասպան քաղաքականության զոհերի շարքին ժամանակավորապես ավելացել են Արցախի Հանրապետությունը եւ նրա բնիկ բնակչությունը:

Առերեսվելով իրավիճակի ամբողջ ողբերգականությանը՝ պարտավոր ենք ար-

ձանագրել, որ հայությունն իր ազգակազմության արեալում՝ Հայկական լեռնաշխարհում, դեռ երբեք այսքան փոքր տարածք չի զբաղեցրել, որքան 2023 թ.-ից հետո մինչ օրս: Պատմության այս դառն էջերը պետք է սովորեցնեն մեզ, որ թուրք-ադրբեջանական ցեղասպան քաղաքականությունն աշխարհագրական առումով չի սահմանափակվում Հայկական լեռնաշխարհի մի որեւէ առանձին հատվածով, իսկ ժամանակագրական առումով երբեք չի դադարել եւ այժմ էլ շարունակվում է:

Դեպքերի ողբերգականությունը չի կարող արդարացում լինել հուսահատության համար: Իրավիճակի սթափ գնահատումը հուշում է, որ հայոց բռնազավթված հողերի վերագատագրման եւ բնակչության վերադարձի հարցերը կարող են լուծվել բացառապես Հայաստանում ազգային շահերին եւ օրակարգին ծառայող իշխանությունների առկայության պարագայում»:

Ճարտանկությունը՝ Արմուր.ամ կայքում

● Կոմիտասի անվան կամերային երաժշտության տանը մարտի 14-ին տեղի կունենա «Բանաստեղծության սիմֆոնիա» համերգը: Տոմսերի արժեքը՝ 5000, 8000, 10000, 12000, 15000, 20.000 դրամ:



Էջը՝ ԱԼՎԱՐԴ ԿՈՇԿԱԿԱՐՅԱՆԻ

**ՀՈԳԵՎՈՐ**

**ՀԱՐՑ. Հեսարֆիւր է իմանալ, Հայ Առաքելական Սուրբ Եկեղեցին նույն կե՞րպ է ընդունում Կաթողիկոսին, ինչպէս կաթողիկոսները՝ Հռոմի Պապին:**  
*Սերիսա Մանուկյան (39 տարեկան)*



**ՊԱՏԱՍԽԱՆ.** Հայտնում ենք, որ Կաթողիկոսները Հռոմի Պապին են ընդունում իբրեւ Եկեղեցու գլուխ, մինչդեռ հայ առաքելականները Հիսուս Քրիստոսին են ընդունում իբրեւ Եկեղեցու գլուխ: Ըստ կանոնագրքի՝ կաթողիկոսը ամբողջ աշխարհի Հայ Առաքելական Սուրբ Եկեղեցու Առաջնորդական Թեմերի իրավասուն եւ պատասխանատուն է: Սակայն ոչ Պապը, ոչ Կաթողիկոսը անսխալական չեն. միայն Աստված է անսխալական:

Կաթողիկոս Եկեղեցին արտոնում է Պապին ինքնուրույն հավատի հռչակագիր կազմել (վարդապետություն), մինչդեռ Հայ Առաքելական Եկեղեցին մյուս Ուղղափառ Եկեղեցիների հետ համատեղ է որոշում հավատի հռչակագիրը տիեզերական ժողովներում:

*Օրինությամբ՝ Տ. Ղեւոնդ վարդապետ Հովհաննիսյան*

**«ԺՈՂՎՈՒՐԳ».** Կաթողիկոս Եկեղեցին քարոզում է, որ այն միակ, սրբազան, կաթողիկոսական առաքելական ճշմարիտ Եկեղեցին է հիմնված Հիսուս Քրիստոս, եւ որ նրա եպիսկոպոսները Քրիստոսի առաքյալների հետեւորդներն են, իսկ Պապը Պետրոս առաքյալի հետեւորդն է, ում առաջնորդությունը հաստատվել է Հիսուսի կողմից:

Կաթողիկոս Եկեղեցին հետեւում է եպիսկոպոսական պետական կառուցվածքին, որն առաջնորդվում է եպիսկոպոսների կողմից, ովքեր ստացել են Սուրբ կանոնների խորհրդանիշները եւ կառավարման ֆորմալ արդարադատությունը Եկեղեցու ներսում: Կա հոգեւորականության 3 աստիճան? Եպիսկոպոսապետություն՝ կազմված եպիսկոպոսներից, ովքեր արդարադատության պատասխանատուն են որոշակի աշխարհագրական տարածքում, որ կոչվում է թեմ, քահանայություն՝ կազմված քահանաներից, ովքեր ձեռնադրվում են եպիսկոպոսների կողմից եւ աշխատում են կրոնական համայնքներում, եւ դիակոնատ կամ սարկավագություն՝ կազմված սարկավագներից, ովքեր օգնում են քահանաներին տարբեր դերերում: Իսկ ամբողջ կաթողիկոս Եկեղեցին ղեկավարվում է Հռոմի Պապի կողմից:

**ՏՆՏԵՍԱԿԱՆ**

**ՀԱՐՑ. Ես ուզում եմ իմանալ, թե ի՞նչ է նշանակում «լողացող» փոխարժեքի ֆաղափականություն, ինչ՞նչ է ԿԲ-ն որդեգրել այդ ֆաղափականությունը:**  
*Լիլիթ Հունանյան (52 տարեկան, հաշվետար)*



**ՊԱՏԱՍԽԱՆ.** Տեղեկացնում ենք, որ համաձայն Արժույթի միջազգային հիմնադրամի կողմից ամենամյա հրապարակվող «Արժույթային կարգավորումներ եւ արժույթային սահմանափակումներ» հաշվետվության մեջ տրված սահմանման՝ «Ազատ լողացող փոխարժեքի քաղաքականությունը նշանակում է, որ փոխարժեքը որոշվում է շուկայում եւ արժույթային շուկային ցանկացած պաշտոնական միջամտության նպատակը ավելի շուտ փոխարժեքի փոփոխությունները չափավորելը եւ չափազանց մեծ տատանումները կանխելն է, քան թե դրա մակարդակը սահմանելը»:

*Հայաստանի Հանրապետության կենտրոնական բանկ*

**«ԺՈՂՎՈՒՐԳ».** Նշենք, որ օրինակ 2014 թվականի նոյեմբերից ռուսական ռուբլին կիրառում է լողացող փոխարժեք: Նախկինում ռուբլու պաշտոնական փոխարժեքը պահպանվում էր արժույթային միջամտության միջոցով:

**ԼՈՒՐ ԿԱԴՐ**

Լուսանկարը՝ Shamshtyan.com-ի



Փետրվարի 28-ին պայթյուն է տեղի ունեցել Երեւանում: Ժամը 17:30-ի սահմաններում Նորազավիթ 1-ին փողոցի 1/6 հասցեի դիմաց կայանված «Mitsubishi» մակնիշի ավտոմեքենայում պայթյուն է տեղի ունեցել, ինչի հետեւանքով վնասվել է հարեանությամբ կայանված 2 «BMW X5» մակնիշի ավտոմեքենա:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայկուստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	-15 - 20 -4 - 7	Արարատ	-4 - 7 0 + 2
Կոտայքի լեռներ	-15 - 19 -5 - 7	Արմավիր	-6 - 9 0 + 3
Կոտայքի նախալեռներ	-6 - 10 -1 - 3	Վայոց ձորի լեռներ	-15 - 20 -6 - 9
Գեղարքունիք	-16 - 20 -6 - 8	Վայոց ձորի նախալեռներ	-6 - 11 0 - 3
Լոռի	-10 - 15 -3 + 1	Սյունիքի հովիտներ	-5 - 9 0 - 4
Տավուշ	-5 - 8 -2 + 2	Սյունիքի նախալեռներ	-12 - 17 -2 - 5
Արագածոտնի լեռներ	-16 - 20 -6 - 10	ԼՂՀ	-11 - 15 -2 - 4
Արագածոտնի նախալեռներ	-6 - 9 0 - 3	Երեւան	-5 - 9 -4 - 4

Լրատվական գործունեություն իրականացնող՝  
«Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Արշակունյաց 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 28.2.2025  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: